



e-bilten

OPĆINA TEŠANJ
www.opcina-tesanj.ba
e-mail: optesanj@bih.net.ba

Ponedjeljak 04.10.2010

Broj 41

Aktuelnosti

1. Nakon kraće pauze Vijeće nastavilo sa radom
2. Sanirana najveća klizišta
3. Zapošljavanje s „vezom“

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu:

fuad.sisic@opcina-tesanj.ba

Molimo vas da ovaj elektronski bilten prosljedite svim zainteresiranim u našoj općini.

Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću.

Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!



NAKON KRAĆE PAUZE VIJEĆE NASTAVILO SA RADOM

Vijeće motiviše nezakonit rad organa mz-a

Nakon kraće pauze zbog izborne kampanje, Općinsko vijeće nastavilo sa radom 21. sjednicom održanoj 08. oktobra 2010. godine. Za razliku od nekih prethodnih sjednica, ova je protekla efikasno i u relativno konstruktivnom ambijentu. Ipak, ostaće najmanje dvije čudne poruke:

prva, pri usvajanju šestomjesečnog izvještaja o izvršenju budžeta za 2010. godinu, jedan klub vijećnika je bio suzdržan a da pri tome nije ni ni jedne riječi kazano zbog čega? Zbog toga što je Općinski načelnik neko ko nije član njihove stranke?! U okolnostima u kojima se kreirao i donosio budžet, kao i okolnostima u kojima se on realizira, sasvim sigurno je u samom vrhu budžetskog planiranja i realizacije u BiH. Niko i ne očekuje pohvale, ali jedan fer odnos bi bio mnogo korisniji i motivirajući da se nastavi, u interesu građana prije svega. Ipak, hvala svima koji su to vidjeli i glasanjem potvrdili.

druga, Općinski načelnik je obustavio redovnu mjesečnu dotaciju organima vlasti MZ Jelah dok ovi ne stave van snage nezakonitu odluku i ne prestanu sa nelegalnim aktivnostima oko naplate kanalizacije u MZ Jelah kojom već dugo godina upravlja KP "RAD". Vijeće je na prijedlog vijećnika Subašića usvojilo zaključak kojim obavezuje Općinskog načelnika da se nastavi sa uplatama! To je istovremeno i poruka: organi MZ Jelah (ali i drugi, zašto ne) mogu nastaviti nelegalne aktivnosti, mogu nastaviti urušavati već uređen sistem i rad KP "RAD". Pri tome, osnivač MZ Jelah i KP "RAD" je Općina Tešanj, a odluke o tome u ime Općine je donijelo upravo Općinsko vijeće, tj. ova pitanja su u nadležnosti općinskog vijeća. Općinski načelnik će ispoštovati ovaj zaključak Općinskog vijeća ali se pitam: ko će štititi javni interes općine Tešanj kada to ne radi Vijeće?!



SANIRANA NAJVEĆA KLIZIŠTA

Sanirana klizišta Mrkotić, Raduša - Dž. Planje - Trepče

Nakon obilnih padavina u junu ove godine, područje općine Tešanj je pretrpjelo klizanje terena koje se u ovoj jeri odavno ne pamti na našem području. Ukupno 152 klizišta, od kojih nekoliko velikih na lokalnim cestama i regionalnom putu su bili veliki problem. Tu su i klizišta koja su ugrozila jedan broj porodičnih objekata (34).

Općina Tešanj je nakon svega ostala uglavnom usamljena u podnošenju tereta ovih sanacija, a Općinski načelnik uz saglasnost Općinskog vijeća dobio ovlaštenje da može preusmjeriti ili koristiti prihode koji nisu bili planirani kako bi se što veći broj klizišta riješio.


Tako je tokom septembra provedena potrebna procedura o javnim nabavkama, i potpisani ugovori o sanaciji dva klizišta u Mrkotiću (Trans-kop), jedno u Trepču (HS putevi) te jedno na lokalnoj cesti Raduša-Dž. Planje (AB trans). Određena poboljšanja i ispitivanja su rađena na klizištu u Šijama ali ovo klizište još uvijek predstavlja ozbiljan problem u završetku regionalnog puta Medakovo-Šije.

Ipak, ostaje briga i nemoć na dva klizišta na regionalnom putu R 474, u nadležnosti Direkcije cesta ZDK, koje ni nakon mnogih zahtjeva, molbi i obećanja nije sanirano. Ova klizišta u području prema "Čatinom grebu", već duže vrijeme su sigurnosna crna tačka na putu R 474 ali adekvatne reakcije nadležne direkcije nema.



ZAPOŠLJAVANJE S "VEZOM"

Je li zapošljavanje s "vezom" bezveze?



panorama

Dnevni avaz, četvrtak,
4. decembar/prosinac 2008.

15

TEŠANJ Neobičan način komunikacije načelnika Šišića **Saopštenjem se ograđuje od intervencija kod zapošljavanja**

Važno je da damo prednost pravednim umjesto sebičnim kriterijima, navodi Šišić

Novoizabrani načelnik općine Tešanj Fuad Šišić zbog velikog broja zahtjeva građana za intervenciju pri zapošljavanju, štampao je javno saopćenje koje je dostavljeno svim ustanovama i preduzećima na području te općine, javlja Fena.

- Na samom početku mog mandata imam veliki broj zahtjeva građana za intervencije radi zaposlenja, što u cjelosti razumijem. Ipak, moja pozicija zahtijeva na prvom mjestu da poštujem zakon, da brinem o stanju na općini i građanima i da budem pravedan pri odlučivanju. Stoga, ja ne mogu davati pojedinačne preporuke s pozicije općinskog načelnika - imenom i prezimenom za zaposlenje jer, iako je to potrebno u



Šišić: Veliki broj zahtjeva za intervenciju

konkretnim zahtjevima, ja ne znam u kakvom su socijalnom

stanju drugi koji isto tako trebaju posao - navodi Šišić.

Naobičan način komunikacije s građanima Šišić je kompletirao preporukom, za koju kaže da je „univerzalne naravi“.

Molim sve koji su u prilici da upošljavaju radnike da uz poštovanje zakonom propisanog postupka pri konačnoj odluci sagledaju socijalno stanje porodica kandidata koji traže posao. Posebno bih molio da se braniocima BiH i članovima njihovih porodica da prednost. Svi zajedno možemo našu zajednicu učiniti pravednijom, a time i boljom nego što ona jeste. Stoga je važno da damo prednost pravednim, umjesto sebičnim kriterijima - kaže se u javnom pozivu Fuada Šišića

Nepune dvije godine nakon javnog obraćanja u pogledu preporuka zapošljavanja, kao i službenih dopisa prema javnim ustanovama i preduzećima, analiziram stanje u ovoj oblasti. Nema validnih sistematizovanih podataka, ono što imam više je osjećaj i iskustvo ove dvije godine. Može li se biti zadovoljno napretkom – ne može! Općinski načelnik je pod pritiskom kao i čelni ljudi javnih ustanova i preduzeća, ali i vlasnici privatnih preduzeća i drugih oblika privatnog biznisa. Od koga dolazi pritisak: od onih kojima je posao potreban, prije svega a onda od prijatelja, rodbine, političkih stranaka, uticajnih pojedinaca. Ako kažem sa svih strana, manje ću pogriješiti nego ako pravim selekciju.

Ponekada sam u velikoj dilemi da i sam sudjelujem u tome, na ovaj ili onaj način, zbog nužnih kompromisa radi manje štete. Pitam se mogu li se takvi kompromisi uopće opravdati, i nisam našao opravdanje. Prije ili kasnije se svaka nedosljednost vraća kao bumerang. Čovjek misli da je nešto riješio danas, a u stvari je sebi samo napravio problem koji ga tamo negdje čeka a da on to i ne vidi.

Pojedinačna borba i lični interes su razumljivi i prihvatljivi ako

Općina Tešanj

Tešanj, BiH; Telefon: +387 32 650 547, +387 32 650 220; Faks: +387 32 650 547
www.opcina-tesanj.ba, e-mail: optesanj@bih.net.ba



se poštuju prava drugih, i ako se poštuju i slijede pravila. Stoga je pitanje pravila, procedura, kriterija pravo pitanje za diskusiju, a ne je li ovaj ili onaj dobio prednost. Neko će s pravom kazati: kako ljude motivisati da budu društveno aktivni, da se bave i političkim radom ako im ne možeš ništa ponuditi!? Razumijem, to i jeste kritična tačka na kojoj se svaka stranka ili njeno rukovodstvo opredjeljuje: **graditi odnose na bazi ličnih koristi i ustupaka, ili graditi odnose na temelju ispravne ideje?** Ovo nas neminovno dovodi do pitanja osobnih vrijednosti i vrijednosti cijelog društva, do sto razloga ZA i PROTIV, ali nije moguće izaći iz ovoga dok ne bude dovoljno onih koji će svoj lični interes kroz političku i uopće društvenu angažovanost vezati za ispravnu ideju i jačanje pravednih odnosa. Na tom putu lični interesi će se u nekoj mjeri ostvariti, ali će se izgradnjom zdravih i ispravnih odnosa u društvu prilike značajno povećati i interesi svih, a ne samo pojedinačni, mnogo više ispuniti.

Ali ako budemo sveli priču o tome da moj aktivista ima prednost, prije svega jer je moj, ili moj rođak, moj prijatelj samo zato što je moj; da moj kandidat ima prednost samo zato što mi je nešto "sredio" ili očekujem da će mi nešto "srediti" ili zato što je iz mog sela, onda naša nada za boljim životom nema puno izgleda. Samo je pitanje ko će biti privilegovan, a kome će biti učinjena nepravda. I uglavnom ćemo znati kome smo učinili uslugu, ili ko nam je učinio uslugu, ali rijetko ćemo znati kome smo sve nanijeli nepravdu.

Gospodaru naš, pomози nas i osnaži na putu ispravnih i pravednih odnosa među nama, a ne na putu ustupaka, jednokratnih koristi i činjenju nepravde prema ljudima.

ALIJA IZETBEGOVIĆ 1925 - 2003

"Velikim Bogom se kunemo da robovi biti nećemo!"



"Ne tražite osvetu, nego pravdu."

"Bosna je mala zemlja, ali ima pravo na istinu."

"Bosnom nikad niko nije uspio da vlada, uvijek mu se to samo činilo."

**ISKRENE ČESTITKE
SLIJEPIM I SLABOVIDNIM
GRAĐANIMA OPĆINE
TEŠANJ I BiH
POVODOM DANA
"BIJELI ŠTAP"
15. OKTOBAR**

**I PODSJEĆANJE SVIH
ZDRAVIH NA ONE KOJI
TREBAJU VIŠE
RAZUMIJEVANJA,
PODŠKE I POMOĆI**



PRED ĆATIĆEVIM MEZAROM

*Isti je nišan nad nama
samo je tvoj bolji svijet*

Amir Brka

Općinski načelnik
Fuad Šišić

